

東華續錄

道光五

臣王先謙敬編

臣周潤淪著恭校

道光二年壬午春正月庚戌召富信來京調糜琦瑜爲貴州布政

使以羅含章爲河南布政使楊健爲山東按察使

由兩淮鹽運使遷

○壬

子諭朕辦理庶務咸遵舊制從前皇祖高宗純皇帝每次挑選

八旗秀女皆指配與聖祖仁皇帝派衍近支宗室皇考仁宗

睿皇帝每次挑選八旗秀女皆指配與世宗憲皇帝派衍近支

宗室今朕挑選秀女自應遵照此例按代指配與高宗純皇帝

派衍近支宗室著交欽派之王等嗣後呈進宗室等名單時著將

高宗純皇帝派衍近支宗室名單呈進候朕將挑選之秀女量

爲指配著爲令○諭近來查出旗人抱養民人之子爲嗣者俱已

另記檔案矣此等子嗣日後皆入民籍伊等之女皆不應與旗人
一併入選著交戶部本年挑選八旗秀女時將八旗滿洲蒙古漢
軍內另記檔案之女俱不必入選著爲令○方受疇以病免以顏
檢爲直隸總督葉世倬爲福建巡撫戴敦元爲山西布政使史譜
爲江西按察使

由浙江鹽運使遷

○以長齡署直隸總督○甲寅截撥上

下兩江漕米六萬石備災缺兵糈○戊午諭阿哥等年至十五歲
著習學騎射每月演習二三次在京城內則於紫光閣在圓明園
則於閱武樓阿哥等演習射騎時著內廷詣達二人輪流隨往年
十六歲習學鳥槍每年春秋二季在山高水長一月演習一二次
嗣後阿哥等及皇孫皆照此學習著爲令○諭總管內務府大臣
等嗣後皇子皇孫一經指婚其福晉父家置備帷匳不得以奢華
相尙一槩務從儉約復我滿洲淳樸舊俗將來進呈經匳清單如

有靡麗浮費之物經朕看出不惟將原物發還並加議處此旨著內務府大臣存記俟經指婚之後即將此旨交福晉之父家閱看敬謹遵循不得逾制至向來俗例有開箱之禮福晉應進朕與皇后衣服各九套著不必豫備呈進以示黜華崇實之意○申禁各州縣貸民籽種加倍取償○辛酉祈穀於上帝恭奉仁宗睿皇帝配享○壬戌諭錢臻奏州縣交代拖延請嚴定章程一摺向來州縣交代本有一定例限據錢臻查明湖南省州縣交代逾限_{弊端}甚多皆由各員卸事後不俟交代清楚即擅自進省接任之員無憑覈算以致展轉延延幾成錮習自應亟加整頓嗣後該省州縣交代責成該管府州就近督催依限結報如交代未清即將該員扣留勒限覈算不准擅自回省其例限已逾除咨部照例察議外將該員委署補缺槩行停止儻接任之員刁難勒措亦即據

實懲辦如府州徧徇玩視查明一併參處先虧帑項責令各半分賠卽查無虧空亦將督催不力之府州查參以重帑項而杜積弊

○召葉汝芝來京以朱桂楨爲浙江按察使

由陝西道商道遷

○甲子諭

軍機大臣等葉世倬奏查辦丁歸地糧及民間實在情形一摺山西省州縣丁徭銀兩歸入地糧攤徵者除已有八十廳州縣外尙有孟縣等二十一州縣未經議改茲據該護撫查明平定州孟縣二處情形相同所有孟縣丁徭銀兩著自道光二年起卽攤入地糧項下徵收其平定州丁銀亦著一律歸併辦理造冊咨部至興縣等十九州縣情形不一自應次第確查分別嚴辦葉世倬見己簡放福建巡撫如一時不能查辦完竣屆期卽移交新任巡撫邱樹棠悉心籌畫分別妥議具奏可也○乙丑添設直隸遵化州理事通判裁州同缺○丙寅諭戶部議駁吉蘭泰鹽斤請由水運一

摺吉蘭泰蒙古鹽斤自嘉慶十七年經大學士等議奏以該處鹽斤行於內地充斥潞網查照舊章止准陸運不准水運內地既無虞滯銷而蒙民亦不至失所至今遵行已久實係兩無窒礙自未便輕議更張所有阿拉善王瑪哈巴拉請仍復水運之處著不准行○戊辰申諭廣東閩浙嚴緝洋盜○己巳命琦善恭修孔林

○辛未諭三載考績乃國家激揚大典朕仰承皇考付畀之重

兢兢業業與內外諸臣恪遵成憲共圖郵治茲屆京察之期吏部將京外各大員開單具奏朕詳加披閱酌中覈定雖間有年老之人察其精力尚不至衰頹有誤職守仍堪留任大學士曹振鏞戶部尚書黃鉞辦理部務本屬妥協又自簡任軍機大臣以來殫共所事實力匡襄禮部尚書文孚在軍機處行走有年小心勤慎克盡厥職大學士伯麟人品端方管理部務甚屬盡心吏部尚書

盧蔭溥在軍機處行走多年恪恭匪懈前因管理吏部順天府需人特旨調用亦能盡心戶部尚書英和管理部旗內務府事務均臻妥善且於步軍統領衙門尤能不避嫌怨管轄嚴明禮部尚書汪廷珍品學兼優承辦實錄底本勤慎通達盡心纂輯兩江總督孫玉庭陝甘總督長齡四川總督蔣攸銑均能整理地方察吏安民克副封疆重任江南河道總督黎世序宣力多年一切河務經理得宜永奏安瀾之慶俱著加恩交部議敘吏部侍郎那彥寶屢受皇考重恩不知潔己報效先後辦理河工聲名甚屬平常著降爲頭等侍衛前往吐魯番更換寶興回京不准具摺請訓禮部侍郎善慶驕率無能不勝侍郎之任著回副都統之任行走兵部侍郎吳芳培年力衰邁著以原品休致左都御史顧德慶人屬平庸著以侍郎降補餘著照舊供職特諭○諭御史董國華奏請

嚴汰各部冗員一摺所奏似是而非各部截取外用簡缺知府人員其未經銓選以前仍在本衙門辦事各有本缺職任正可藉資練習若槩令出缺候選是徒與該員以自便之途既非所以造就人才而於部務仍無裨益所奏不可行至京察駐入三等人員例得留任以觀後效該堂官原應隨時察看如該員所能奮勉下屆京察尙准列爲上考若如所奏必剋期分別去留休改則三年後察典轉無可汰之員於事理殊覺未協所奏亦無庸議○轉常起爲吏部左侍郎調他任爲禮部右侍郎玉麟爲禮部左侍郎果齊斯歡爲兵部左侍郎以舒明阿爲工部左侍郎由副都統遷○調明志爲禮部右侍郎以色克精額爲理藩院右侍郎由內閣學士遷○以王鼎爲左都御史調陸以莊爲戶部右侍郎以周系英爲工部左侍郎○以顧德慶爲兵部左侍郎○癸酉諭軍機大臣等據朱勳等奏

河北插帳之循化等處九族野番及鹽池一帶空鹽番戶均狡黠背約抗不回巢又藉依雙勿兩族勾結循貴及四川野番盤踞搶掠等因見已令松筠接署直隸總督著長齡將印務暫交屠之申卽行馳驛回任會同松廷將知何設法驅逐之處相機辦理不可張皇其事亦不可稍涉因循總以熟籌妥計迅令遷移未勘另片所奏添派卡防官兵及每日酌給銀兩之處均照所請行○甲戌諭國家考績鉅典原所以勵防賢否朕釐工無績一秉大公昨因吏部侍郎那彥寶屢辦河工聲名平常業經降旨降黜因思吳璥當時同往工次列名在前其不知潔已報效聲名亦與那彥寶相等事屬已往姑勿深究若竟以其致仕家居置之不議伊轉得濫邀章服之榮是與那彥寶同罪異罰殊不足以昭示廷臣協符輿論吳璥著革去翎頂以示朕甄覈持平之至意

二月壬午准給廣東駐防文武會試舉人及引見員弁路費○癸未准八旗抱養民人爲子之繙譯舉人生員改作文舉人生員歸入民籍考試○乙酉命奉天暫停海運糧石○申禁民間私藏鳥槍火器○免雲南銅廠民欠工本銀○辛卯諭御史黃中模奏請嚴禁海洋偷漏銀兩一摺所奏是定例廣東洋商與夷人交易止用貨物收買轉賣不准用銀立法甚爲周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷漏銀兩仍不時查察如有縱放之員卽行參革治罪至洋商與外夷勾通販賣鴉片煙重爲風俗之害皆由海關利其重稅隱忍不發以致流傳甚廣著該督撫密訪海關監督有無收受黑煙重稅據實奏聞並通飭

各省關隘一體嚴密查拏如係何處拏獲卽應究明於何處行走
所有各關縱放員弁卽參辦示懲如該督撫訪察不力或瞻徇不
奏別經發覺立即加之懲處務期洋船出入積弊革除以清關隘
而裕民生○命自道光三年爲始內務府三旗女子內所有回子
番子之女著無庸入排引看○壬辰於安徽祁門縣明李殉難舉
人馬嘉入祀忠義祠○癸巳兵部尙書戴聯奎卒予祭葬○以王
宗誠爲兵部尙書李宗昉爲禮部右侍郎由內閣學士遷○乙未諭先
師孔子德配天地道寇古今我朝列祖列宗暨我皇考仁
宗睿皇帝親詣釋奠臨雍講學多士圜橋觀聽洵盛典也朕寅紹
丕基心誠嚮慕謹於明年仲春上丁親詣辟雍登堂釋奠用昭崇
師重道稽古右文至意其應行典禮事儀著各該衙門先期敬
謹豫備○己亥以敬徵朱士彥徐頴俱爲內閣學士兼禮部侍郎

銜

敬徵由侍衛朱士彥候補
由內閣學士徐由詹事遷

二月丁未

上啟鑾謁

東陵

○免經過地方額賦十分之三○

己酉改雲南開化府同知爲安平同知割文山縣東安逢春永平
三里俱隸管轄改澂江府司獄爲安平司獄移駐開化府麗江府
經歷爲文山縣江那縣丞移駐江那里○庚戌 上謁 昭西陵

孝陵

孝東陵

景陵

裕陵詣

福壽皇太子園寢酌酒回

鑾○諭工部承辦

壇

廟工程關緊重大理宜敬謹從事承修

司員法克精額等得受官匠分送版額銀兩復得情屬託看冊司
員蒙混銷算該堂官漫不經心以致估辦參差司員朋比受賕又
復毫無覺察吏部分別議以革職降補實屬紛所應得姑念人數
衆多一時簡用乏人著加恩將部議革職之曹振鏞穆克登額盧
蔭溥王以銜陸以莊均改爲降四級留任八年無過方准開復部

東華續錄

道光五

六

議降二級調用之穆彰阿果壽斯歡均改爲降三級留任邵議降
一級調用之阿克當阿那清安裕恩均改爲降一級留任其分看
銷冊之司員亦著加恩量爲末減所有邵議降一級調用之工部
員外郎慶祿宜昌主事圖勒爾爾納會錫恩均改爲降三級留任
此係朕格外施恩該堂司官等當知感知奮嗣後務深己奉公留
心察辦無得再蹈愆尤致干重咎又諭工部堂官失察司員等得
賊冒銷一案其在任較久之員也降旨加恩改爲降四級留任但
仍當示以區別曹振鏞盧蔭溥彼時俱在軍機處行走不能常川
到署其餘各員均係專辦部務乃於司員朋比得賊蒙混銷翼毫
無覺察其咎較重工部爲工程總匯穆克登額年力衰老稽察未
能周密著調補禮部尚書其工部尚書員缺著文學調補陸以莊
著調補兵部右侍郎其戶部右侍郎員缺著湯金釗調補兼管錢

法堂事務王引之著轉補吏部左侍郎杜壻著調補吏部右侍郎
○壬子諭軍機大臣等阮元奏英吉利國護貨兵船停泊外洋伶
仃山夷人赴山汲水與民人鬪毆互有傷斃飭諭該國大班及該
國兵官交出兇夷彼此互相推諉當將貨船封艙禁止貿易該夷
兵扭於該國被傷後致死無須抵償之例延不交兇旋即畏非潛
逃該大班寄信本國奏知國主照例究辦見仍著落交兇並飭諭
辦理等語天朝定例凡鬪毆致死人命無論先後動手均應擬抵
該夷兵在內地犯事應遵內地法律辦理至該國兵船係爲保護
貨船之用該大班承管買賣事務其兵船傷斃民人豈得藉詞延
諉今兵船旣已揚帆駛逸兇夷自必隨往著照所議准令各船開
艙下貨仍飭該大班告知該國王查出兇夷附搭貨船押解來粵
按名交出聽候究辦至該國護貨兵船向止許在外洋停泊買物

取水應由買班承管既據該督飭諭告知該國王見在粵洋無盜以後無庸再派兵船赴粵如貨船必須保護亦應嚴諭領兵官恪遵內地法度彈壓船內夷兵一切俱由大班管束經理均著照所議妥辦該督仍當隨時稽察嚴密防範勿致別生事端○癸丑

上還京師○甲寅 上奉 皇太后啟鑾謁 西陵○免經過地

方額賦十分之三○乙卯諭前於嘉慶八年因 裕陵 隆恩殿

年久虧朽查勘拆修係莊親王縣課戴均元蘇楞額專司承辦理

宜倍加慎重揀選堅實木料敬謹成造以期億載鞏固乃甫屆二

十年卽露虧朽情形實係當時辦理不善其原報及查勘各員又

未據實確查具奏當交宗人府吏部嚴加議處茲據分別議奏未

能盡爲允協莊親王縣課承修 陵寢要工始終其事辦理草率

自當予以嚴懲縣課著降爲郡王戴均元於七月間承辦後卽於

是年十二月內前往衡家樓督辦河工尙可量爲補救先著
加恩降四級留任革去經筵講官太子太保無庸管理刑部事務
蘇楞額辦理工程年久 皇考念其尙爲諳習特加委任今乃疏
忽從事以致工料未能經久其咎更重著照議革職卽在工次聽
候差使所有 隆恩殿工程明年擇吉興修仍著蘇楞額賠繳五成
同蘇楞額敬謹妥辦以觀後效其嘉慶八年以後重修案內動用
錢糧物件及見搭月臺等項統共計以十成著蘇楞額賠繳五成
絲課賠繳二成戴均元賠繳一成其餘二成著原修之監督司員
無論見在已故按照辦工日月分別賠繳仍查取該司員等職名
交部嚴加議處至原報未經確查之果勒豐阿永康均著照議降
三級調用照例各折罰世職俸半年不准抵銷恩銘彼時係總管
內務府大臣查工是其專責並未據實具奏恩銘著降四級留任

王以銜僅止查勘未能周到著降一級留任○諭軍機大臣等文
幹等奏申嚴邊禁一摺據稱藏屬西南邊缺絨轄兩營官所管之
納溪山洞向有安都喇嘛磋竹讓珠在彼念經修行上年該喇嘛
以廓爾喀地方吉絨噶速塔頂坍塌擬請募修當經噶勒丹錫呼
圖薩瑪第巴克什寄信阻止該喇嘛仍派徒衆十餘名由轟拉木
出境在陽布雇匠興修廓爾喀亦派彼處喇嘛幫同修理見在塔
頂已修七層工程將次完竣該喇嘛磋竹讓珠明年即前往開光
等語廓爾喀地方雖經內附究在唐古特邊外該喇嘛擅派徒衆
徑赴陽布捐修吉絨噶速塔工實屬私越邊境既據該大臣等查
明該喇嘛平日修行尙爲安靜因不諳定例致蹈愆尤著遽令中
止頓棄前工恐邊外夷人不免心生疑懼著照所議於該喇嘛修
塔事畢後即將前差徒衆速行撤回並嚴飭該喇嘛磋竹讓珠不

准親往開光嗣後如有欲作善事者須令在內地盡心籌辦無許再行私越境界致干重咎至聶拉木營官於該喇嘛出境時既未嚴行阻止又不隨時稟報殊屬有乖職守見在營官拉爾吉雄巴著卽行斥革以示懲儆其絨轄爾營官於境內居住之喇嘛私行派赴邊外尋無覺察亦屬疏忽所有兼官該營官之後藏戴寧汪金彭楚克著不准其兼管營官事務仍罰俸一年其所出營官缺卽咨行噶勒丹錫喀圖薩瑪第巴克什另選番弁會同驗放以實營額而重邊防該大臣等務嚴飭各邊界營官遵照定例一體嚴密稽查不准番夷僧俗擅自出入致滋弊端如有私越邊界者卽行從重懲辦○命改繞斗峪爲寶華峪○戊午 上調 泰陵泰東陵 昌陵○臨奠慧安和碩公主慧愍回倫公主園寢○己未清明節 上調 昌陵行數土禮回鑾○壬戌 上詣 孝穆